

# Ynghylch diddymu

## Sut mae cael gwybodaeth neu gyngor?

I gael gwybodaeth, cymorth a chyngor cyfreithiol di-dâl, cysylltwch â'r Gwasanaeth Cyfreithiol Cymunedol Uniongyrchol ar 0845 345 4 345 neu [www.clsdirect.org.uk](http://www.clsdirect.org.uk). Gallwch hefyd geisio cymorth gan Ganolfan Cyngor ar Bopeth neu ganolfan cyngor i ddefnyddwyr.

## Sut ydw i'n cael diddymiad?

Drwy lenwi ffurflen a elwir yn "ddeiseb" (D508) a mynd â hi i unrhyw lys sirol sy'n ymdrin ag achosion partneriaeth sifil neu i'r Brif Gofrestrfa yn Llundain.

Mae'r daflen hon yn rhoi rhestr i chi o'r holl lysoedd sirol sy'n ymdrin ag achosion partneriaeth sifil.

Rhestrir cyfeiriadau a rhifau ffôn yr holl lysoedd sirol sy'n ymdrin ag achosion partneriaeth sifil yn y llyfr ffôn o dan y pennawd 'Courts'.

## Pa bryd alla' i gael diddymiad?

Allwch chi ddim cychwyn deiseb am ddiddymiad oni fyddwch wedi bod mewn partneriaeth sifil am fwy na blwyddyn.

## Oes raid i mi egluro pam fy mod eisiau diddymiad?

Oes, mae'n rhaid i chi allu profi i'r llys fod gennych resymau (neu 'seiliau') dros ddweud fod y bartneriaeth sifil wedi dod i ben. Yr ymadrodd a ddefnyddir gan y llys fydd fod y bartneriaeth sifil wedi 'chwalu'n anadferadwy'.

Bydd y llys yn derbyn un neu fwy o'r seiliau canlynol fel prawf:

- fod ymddygiad eich partner sifil wedi bod cynddrwg fe na allwch oddef byw gyda hwy mwyach;
- eich bod chi a'ch partner sifil wedi byw ar wahân am o leiaf ddwy flynedd a'i fod ef/hi'n cytuno i ddiddymiad;
- eich bod chi a'ch partner sifil wedi byw ar wahân am o leiaf bum mlynedd; neu
- fod eich partner sifil wedi eich gadael o leiaf ddwy flynedd yn ôl.

## Oes raid i mi fyw yn y wlad hon i gael diddymiad yma?

Rhaid i chi a'ch partner sifil eich dau fod â'ch cartrefi parhaol ('preswylfa') yng Nghymru neu Loegr pan gychwynnir y ddeiseb; neu

Rhaid i chi a'ch partner sifil eich dau fod yn byw yng Nghymru neu Loegr pan gychwynnir y ddeiseb; neu

Rhaid i chi a'ch partner sifil eich dau fod wedi bod â'ch cartref olaf yng Nghymru neu Loegr a rhaid i un ohonoch fod yn byw o hyd yn un o'r ddwy wlad yma pan gychwynnir y ddeiseb; neu

Rhaid i'ch partner sifil fod yn byw yng Nghymru neu Loegr pan gychwynnir y ddeiseb; neu

Rhaid i chi fod wedi byw yng Nghymru neu Loegr am o leiaf flwyddyn ar y diwrnod y cychwynnir y ddeiseb; neu

Rhaid i chi fod â'ch cartref parhaol yng Nghymru neu Loegr a bod wedi byw yn y naill neu'r llall o'r gwledydd hyn am o leiaf chwe mis ar y diwrnod y cychwynnir y ddeiseb.

Lle nad yw'r un o'r uchod yn berthnasol, gallai fod yn bosibl i chi gael diddymiad yng Nghymru a Lloegr o hyd os ydych chi neu'ch partner sifil â'ch preswylfa yng Nghymru neu Loegr NEU y cofrestrwyd chi a'ch partner sifil fel partneriaid sifil yng Nghymru neu Loegr a'i bod er budd cyfiawnder i'r llys gymryd awdurdodaeth yn yr achos hwn.

## **Fydd angen twrnai arna'i?**

Na fydd, fwy na thebyg. Ond fe'i cewch yn ddefnyddiol i gael peth cyngor cyfreithiol cyn cychwyn eich deiseb os:

- nad ydych yn gwybod a oes gennych sail i gael diddymiad ai peidio;
- nad yw eich partner sifil yn debygol o gytuno i ddiddymiad;
- nad ydych wedi dod i gytundeb gyda'ch partner sifil, gyda phwy y dylai'r plant fyw;
- nad ydych wedi cytuno ynglŷn ag unrhyw gefnogaeth ariannol ar gyfer y plant neu ar eich cyfer chi, nac ynglŷn ag unrhyw eiddo.

Bydd y llys yn rhoi'r ffurflenni angenrheidiol i chi ac yn dweud wrthyb beth i'w wneud nesaf. Mae'r ffurflenni i'w cael yn rhad ac am ddim.

Os byddwch angen cymorth i lenwi'r ffurflenni, bydd Canolfan Cyngor ar Bopeth yn helpu.

Os ydych yn derbyn Cymorth Cyfreithiol gan dwrnai dan y Gronfa Gwasanaeth Cyfreithiol Cymunedol, bydd ef neu hi'n eich cynorthwyo i lenwi'r ffurflenni.

Cofiwch nad oes gan staff y llys gymwysterau cyfreithiol. Ni allant roi cyngor cyfreithiol nac ateb cwestiynau megis:

- A ddylwn i hawlio cefnogaeth ariannol?
- Oes gen i resymau iawn dros gael diddymiad?
- Beth fydd yn digwydd i'r tŷr wy'n berchen arno gyda'm partner sifil?

## **Fydd yn rhaid i mi fynd i wrandawriad llys?**

Os bydd modd i chi gytuno gyda'ch partner sifil ynglŷn â chefnogaeth ariannol, eiddo a'r trefniadau ar gyfer unrhyw blant, efallai na fydd angen i chi fynd i wrandawriad llys o gwbl.

Efallai y bydd yn rhaid i chi fynd i wrandawriad llys os gofynnwch i'r llys wneud gorchymyn am gefnogaeth ariannol, neu os nad oes modd i chi gytuno ynglŷn â threfniadau ar gyfer y plant.

## Faint fydd y diddymiad yn ei gostio?

Efallai y bydd yn rhaid i chi dalu ffi am y canlynol:

- i gychwyn eich deiseb;
- y ddogfen sy'n dangos fod eich partneriaeth sifil wedi'i diddymu, y gorchymyn terfynol;
- unrhyw geisiadau am gefnogaeth ariannol neu ynglŷn ag unrhyw blant.

## Oes rhaid talu'r ffi bob amser?

Na. Fe allai eich sefyllfa ariannol olygu nad oes rhaid i chi dalu ffi. Mae'r llyfryn a'r ffurflen gais ar y cyd, sef **EX160A – Ffioedd Llys – oes rhaid i mi eu talu?** yn darparu rhagor o wybodaeth ynghylch hyn.

Gall staff llys roi copi o EX160A i chi. Mae ar gael ar-lein hefyd ar [www.gwasanaeth-llysoeddem.gov.uk](http://www.gwasanaeth-llysoeddem.gov.uk). Rhaid i chi wneud cais ar wahân am bob ffi y byddai'n rhaid i chi ei thalu fel arall.

## Fyddda' i angen copi o fy nhystysgrif partneriaeth sifil?

Byddwch. Bydd yn rhaid i chi roi copi i'r llys pan fyddwch yn cychwyn eich deiseb. Fe'i cedwir ar ffeil y llys. Ni chaiff y copi fod yn llungopi.

## Ble alla' i gael copi o fy nhystysgrif partneriaeth sifil os nad oes gen i un?

Os bu i chi ffurfio partneriaeth sifil yng Nghymru neu Loegr, gallwch gael copi o:

- swyddfa'r Cofrestrydd Genedigaethau, Marwolaethau a Phriodasau dros yr ardal lle y bu i chi ffurfio'ch partneriaeth sifil. Gallwch gael y cyfeiriad o'r llyfr ffôn. Bydd yn rhaid i chi dalu ffi, a byddant yn dweud wrthyf faint ydyw.
- Gallwch gael copi hefyd oddi wrth:

Y Cofrestrydd Cyffredinol,  
ONS Southport,  
Smedley Hydro,  
Trafalgar Road,  
Birkdale,  
Southport, PR8 2HH

Ffôn: 0151 471 4200

Nid oes modd i chi ymweld â'r swyddfa honno. Drwy'r post yn unig y cewch wneud cais.

Bydd yn rhaid i chi dalu ffi, a byddant yn dweud wrthyf faint ydyw. Dylech anfon siec neu archeb bost am y swm cywir. Dylid gwneud sieciau'n daladwy i "ONS".

Mae modd i chi alw i mewn i'r swyddfa yn y:

Swyddfa Ystadegau Cenedlaethol,  
Y Ganolfan Cofnodion Teuluol,  
1 Myddleton Street,  
Llundain  
EC1R 1UW

Codir tâl am gopi o'ch tystysgrif. Bydd y swyddfa'n dweud wrthych faint fydd hyn.

Bydd y swyddfa yr ewch iddi eisiau gwybod:

- dyddiad eich partneriaeth sifil;
- ymhle a pha bryd y bu i chi ffurfio'ch partneriaeth sifil;
- eich enw llawn; ac
- enw llawn eich partner sifil.

## **Rhestr o Lysoedd Sirol sy'n ymdrin ag Achosion Partneriaeth Sifil**

Birmingham

Brighton

Bryste

Caerdydd

Caer

Caerwysg

Leeds

Manceinion

Newcastle upon Tyne

Prif Gofrestrfa'r Adran Deulu

Os penderfynwch symud ymlaen a chychwyn deiseb, darllenwch daflen **D194 – Rwyf eisiau cael diddymiad – beth ddylwn i ei wneud?**

Os oes gennych blant dylech hefyd ddarllen taflen **D195 – Plant a diddymiad.**